



Deporte Local

Pa di 14 aña consecutivo

Ken lo bira Aruba su Atletanan di Aña 2016 den Premio Excelencia den Deporte



ORANJESTAD (AAN): Dia-bierna 24 maart proximo, Aruba lo conoce su Atletas di Aña 2016 den Premio Excelencia den Deporte. Pa di 14 aña consecutivo lo ta entregando e galardón maximo na nos atletanan di aña, esaki den e diferente categorianan. Aunke tur premiación ta importante, mas cu claro e lo culmina cu e entrega di e dos premionan cu tur hende ta ansioso pa sa cu ta e Atletas di Aña Local y esun Internacional. E atletanan nomina e aña aki den e categoria atleta di aña local y internacional ta e miho deportista di 2016 di cada federacion deportivo.

Desde 2003, e premio maximo aki a wordo gana pa e deportenan di Tennis, Biyar, Landamento, Bela, Taekwondo, Cabayista y Bowling. E atleta Sarah Quita Offringa di bela a logra e premio maximo pa un total di tres biaha mientras cu Kamilah Dammers di bowling y Micky van der Vaart di landamento a logra e premio maximo dos biaha cada uno. Aña pasa, e atleta di bowling, Thashaina Seraus a logra sali e atleta di aña internacional y asina duna bowling su di tres galardón tras di otro. Te cu awor e atletanan femenino (7) tin mas galardón internacional konkista cu e atletanan masculino (6). Pa loke ta e premiación como atleta local di aña, categoria introduci na 2014, e titulo maximo a bay dos biaha pa e atleta masculino Renze Postma, triatleta. Siguiente mente e lista data

for di aña 2003 te cu 2015 di tur nos atletanan cu a gana e premio maximo como Aruba su Deportista di Aña DEPORTISTA DI ANJA

- 2003 Vincent Moreta
- Tennis
- 2004 Aaron Franken
- Biyar
- 2005 Micky Van Der Vaart - Landamento
- 2006 Micky Van Der Vaart - Landamento
- 2007 Sarah-Quita Offringa - Windsurfing
- 2008 Sarah-Quita Offringa - Windsurfing
- 2009 Sarah-Quita Offringa - Windsurfing
- 2010 Stuart Smit - Taekwondo
- 2011 Allyson Ponson - Landamento
- 2012 Mark Bruin - Cabayista
- 2013 Kamilah Dammers - Bowling
- 2014 Kamilah Dammers - Bowling(Internacional)/Renze Postma(Local)
- 2015 Thashaina Seraus - Bowling(Internacional)/Renze Postma(Local)

Ta spera cu tur federacion lo entrega nan nominado anan y tur informacion relevante na tempo; no mas tarda cu diaranzon 1 di maart pa asina durante e aña di gala e deportistanan por sinti nan mes honra di a wordo reconoci pa tur e sacrificio y esfuerso haci den e temporada deportivo 2016 cu e la destaca den dje.